



KERATAN SURAT KHABAR

SURAT KHABAR	:	SINAR AHAD		
TARIKH	:	26/9/2021 (AHAD)	MUKA SURAT	: 28
JABATAN	:	PERHILITAN		

Sinar Ahad, 26
Sept 2021, 28

Lelaki jual burung dalam Facebook ditahan

IPOH - Jabatan Perlindungan Hidupan Liar dan Taman Negara (Perhilitan) Perak menahan seorang lelaki kerana menyimpan tujuh ekor burung tanpa sebarang dokumen sah.

Dalam satu Operasi Bersepadu Khazanah (OBK) yang dijalankan di sebuah rumah di Taman Kledang, Sungai Siput pada 3 September lalu, menemukan tiga ekor burung murai batu, dua ekor burung scarlet macaw, seekor burung *Blue and Gold Macaw* dan seekor *Hyacinth Macaw*.

Kesemua burung tersebut dirampas dalam operasi yang melibatkan 12 orang anggota Jabatan Perhilitan Perak bersama anggota Polis Diraja Malaysia (PDRM)

Menurut Jabatan Perhilitan Semenanjung Malaysia, hasil risikan awal mendapati lelaki berusia 32 tahun itu menjual burung-burung itu berdasarkan iklan-iklan yang telah disiarkan oleh pemilik di dalam Facebook miliknya.

"Semasa tangkapan dibuat, beberapa bukti resit pembelian dari pembeli telah dijumpai di dalam telefon bimbit milik sus-

pek. Dianggarkan seekor burung tersebut dijual dengan harga melebihi RM20,000.

"Suspek bagaimanapun tidak mengaku menjual burung-burung ini sebaliknya menjadi sebagai orang tengah menjual burung ini.

"Suspek turut mengaku mengambil upah untuk melatih burung menjadi jinak," katanya menerusi kenyataan pada Jumaat.

Kesemua burung yang dirampas adalah dilindungi di bawah Seksyen 60 (1) (a) Akta Pemuliharaan Hidupan Liar 2010 [Akta 716] pindaan 2012 dengan nilai anggaran keseluruhan rampasan sebanyak RM100,000.

Sementara itu, Jabatan Perhilitan menegaskan pihaknya sangat serius dan komited dalam usaha memulihara khazanah biodiversiti negara dan membasmi jenayah hidupan liar ini.

Pihaknya memaklumkan sebarang aduan dan maklumat boleh disalurkan melalui talian hotline 1-800-88-5151 atau e-aduan di laman www.wildlife.gov.my.



Antara burung yang dirampas Jabatan Perhilitan Perak dalam Operasi Bersepadu Khazanah di sebuah rumah di Taman Klebang, Sungai Siput pada 3 September lalu.